



UNIVERSITETI KATOLIK
ZOJA E KËSHILLIT TË MIRË

N. Prot. 331

Tirana, 19/08/2019

Rregullore e procedurave të transferimit të studimeve
në Universitetin Katolik Zoja e Këshillit të Mirë
për kandidatë shtetas shqiptarë

I. Informacion i përgjithshëm

Procedurat e transferimit të studimeve për kandidatët shtetas shqiptarë në UKZKM miratohen në përputhje me Urdhrin nr.30, të datës 25/07/2019, publikuar në faqen zyrtare: www.unizkm.al.

Sipas V.K.M. nr. 295, të datës 10.05.2019 për përcaktimin e kriterit të notës mesatare për vitin akademik 2019-2020, në rastet e transferimit të studimeve në vitet e ndërmjetme të programeve të studimit të Universitetit tonë, brenda të njëjtit cikël, studentët duhet të plotësojnë kriterin e notës mesatare të përcaktuar me Vendimin përkatës të Këshillit të Ministrave të vitit akademik që studentit është pranuar në institucionin e arsimit të lartë, duke filluar nga viti akademik 2016-2017 dhe në vijim. Për informacione të mëtejshme lutemi referojuni V.K.M. nr. 295, të datës 10.05.2019 në linkun e mëposhtëm <https://unizkm.al/>.

Kandidatët nuk mund të regjistrohen njëkohësisht në disa programe studimi në të njëjtin vit akademik, në universitete publike dhe/ose private, shqiptare dhe/ose të huaja.

II. Si të aplikoni për transferimin e studimeve

Sipas Udhëzimit nr.17, të datës 30.07.2019 të Ministrisë së Arsimit, Rinisë dhe Sportit në Shqipëri, kandidatët e interesuar mund të aplikojnë për transferim të studimeve në programet e studimit të ciklit të parë dhe në programet e integruara të studimeve të ciklit të dytë të Universitetit Katolik ZKM **nga data 2 Shtator deri në datën 13 Shtator 2019.**

Për të aplikuar për transferim të studimeve në Universitetin Katolik ZKM, kandidatët **duke nisur nga data 2 Shtator 2019** duhet:

- të kryejnë regjistrimin *online* në Portalin e Universitetit: <http://admissions.unizkm.al/#/>
- të përzgjedhin zërin: “**Trasferimento degli studi**”
- të plotësojnë procedurën duke ngarkuar online kopje elektronike në format PDF (të skanuara në format pdf/A) dokumentacionin e mëposhtëm për transferimin e studimeve.

1. Kërkesën për transferim drejtuar IAL (e shkarkueshme në portalin: <http://admissions.unizkm.al/>)



UNIVERSITETI KATOLIK ZOJA E KËSHILLIT TË MIRË

2. Planin e plotë të programit të studimit që ka ndjekur studenti i lëshuar nga Universiteti nga ku transferohet, firmosur dhe vulosur nga Sekretaria Didaktike e Universitetit nga ku transferohet;
3. Programet e detajuara të lëndëve të provimeve të shlyera për çdo lëndë të ndjekur firmosur dhe vulosur nga Sekretaria Didaktike e Universitetit nga ku transferohet;
4. Vërtetim në origjinal për studimet e kryera që vërteton provimet e shlyera me notat përkatëse dhe kreditet e fituara (ECTS) firmosur dhe vulosur nga Sekretaria Didaktike e Universitetit nga ku transferohet;
5. Diplomën e Maturës Shtetërore të Shkollës së Mesme;
6. Çertifikatën e Maturës Shtetërore;
7. Kartë identiteti ose pasaportë.

Shënim: Nëse dokumentacioni i mësipërm nuk është në gjuhën italiane, duhet të përkthehet në gjuhën shqipe dhe të noterizohet përpara se të ngarkohet në Portalin e Universitetit.

III. Procedurat e transferimit

- Për programet e studimit Mjekësi, Odontoiatri dhe Proteza Dentare, Fizioterapi dhe Infermieristikë:

Kandidatët që kanë ngarkuar dokumentacionin e plotë/të rregullt në Portalin e pranimeve: <http://admissions.unizkm.al/> dhe plotësojnë kriterin e notës mesatare (sipas V.K.M nr.295, dt. 10/05/2019) do të vlerësohen paraprakisht për studimet universitare të kryera më parë. Nëse gjatë këtij procesi verifikimi, rezulton që kandidati të ketë fituar në programin e mëparshëm të studimit numrin e krediteve të mjaftueshme (të paktën 30 kredite të njohura për programin ku aplikojnë për transferim), kandidatët do të konsiderohen “Kandidatë që kualifikohen për procesin e transferimit” dhe duhet të kryejnë konkursin e pranimit pranë Universitetit Katolik ZKM për kuotat e parashikuara për transferim të studimeve në programet e Studimit dhe në datat e mëposhtme:

| Programi i studimit | Data | Ora |
|---------------------------------|------------|-------|
| Mjekësi | 24.09.2019 | 12.00 |
| Odontoiatri dhe Proteza Dentare | 24.09.2019 | 15.00 |
| Fizioterapi | 24.09.2019 | 16.00 |
| Infermieristikë | 24.09.2019 | 16.00 |

Vlerësimi i kandidatëve bëhet në bazë të pikëve të grumbulluara në testimet e mëposhtme dhe nga vlerësimi i mesatares së përgjithshme së shkollës së mesme:



**UNIVERSITETI KATOLIK
ZOJA E KËSHILLIT TË MIRË**

| | | |
|--------------|---|----------------|
| 1. | <i>Testim me shkrim në Italisht</i> , me alternativa për të vlerësuar njohuritë në Shkencat Natyrore (bazuar në lëndët si Biologji, Kimi, Matematikë, Fizikë) | 30 pikë |
| 2. | <i>Testim me shkrim</i> mbi njohuritë në Gjuhën Italiane | 20 pikë |
| 3. | Nota mesatare e përgjithshme e shkollës së mesme | 30 pikë |
| Total | | 80 pikë |

Pranohen pa kryer konkursin e pranimit dhe kanë përparësi në listën e renditjes së aplikantëve duke u renditur sipas kriterit të mesatares së ponderuar të provimeve të dhëna në Universitetin e origjinës, kandidatët që vijnë nga programe të njëjta studimi nga Universitete të Bashkimit Evropian, të njohura nga Universiteti ynë, në përputhje me marrëveshjet me Universitetin partner italian për transferim direkt të studimeve.

-Në programet e studimit në Arkitekturë, Ekonomi Ndërmarrjeje dhe Farmaci:

Dokumentacioni i kandidatëve që paraqesin kërkesë transferimi për këto programe studimi do t'i depozitohet Komisionit Didaktik *ad hoc* për vlerësimin e studimeve universitare të kryera më parë. Vlerësimi i kandidatëve bëhet në bazë të pikëve të mesatares së përgjithshme së shkollës së mesme dhe studimeve universitare të kryera më parë:

| | | |
|--------------|--|-----------------|
| 1. | Nota mesatare e përgjithshme e shkollës së mesme | 50 pikë |
| 2. | Studimeve universitare të kryera më parë | 50 pikë |
| Total | | 100 pikë |

Kandidatët që nuk kanë numrin e mjaftueshëm të krediteve për të kryer transferimin, të paktën 30 kredite për programin e studimit për të cilin aplikojnë për transferim, nuk mund të vijnë në procedurat për regjistrimin në Universitetin Katolik ZKM.

Kandidati mund të verifikojë statusin e aplikimit të tij edhe në Profilin e tij online, në Portalin e Universitetit: <http://admissions.unizkm.al/>.



UNIVERSITETI KATOLIK ZOJA E KËSHILLIT TË MIRË

IV. Tarifat

Brenda datës 23 Shtator 2019, ora 16:00, kandidatët që aplikojnë për transferim të studimeve duhet të paraqiten pranë Zyrës së Pranimeve të Universitetit (hapur nga e hëna në të premte nga ora 08:00-16:00 dhe ditën e shtunë nga ora 08:00-13:00) për të paguar tarifat e mëposhtme:

1. Tarifa e parashikuar për të aplikuar për transferim të studimeve:

- 50 Euro nga Universitete të tjera drejt Universitetit Katolik ZKM;
- 20 Euro nga një program tjetër studimi brenda Universitetit Katolik ZKM;

2. Tarifa e regjistrimit për konkursin e pranimit për kandidatët që duhet të kryejnë testimin e pranimit: 2.000 Lekë.

V. Listat e renditjes

Listat e renditjes së aplikantëve do të publikohen në faqen zyrtare të Universitetit Katolik “Zoja e Këshillit të Mirë” <https://www.unizkm.al/>

Kandidatët mund të përjashtohen nga lista e renditjes nëse gjenden parregullsi në dokumentacionin e paraqitur për aplikim.

VI. Procesi i regjistrimit

Sipas Udhëzimit nr.17, datë 30.07.2019 të Ministrisë së Arsimit, Rinisë dhe Sportit në Shqipëri kandidatët e shpallur fitues në bazë të rezultateve dhe kuotave të parashikuara, duhet të kryejnë regjistrimin përfundimtar nga data **7 Tetor 2019 deri me datë 11 Tetor 2019**, duke dorëzuar pranë Sekretarive Mësimore përkatëse dokumentacionin e mëposhtëm (**në formë shkresore**). Nëse do të mbeten ende kuota të paplotësuara, do të vijojë regjistrimi deri në plotësimin e kuotave **brenda datës 18 Tetor 2019**, sipas rendit zbritës të pikëve të fituara në listën e renditjes.

1. Planin e plotë të programit të studimit të ndjekur nga kandidati në Universitetin nga i cili transferohet, firmosur dhe vulosur nga Sekretaria Didaktike e Universitetit nga ku transferohet;
2. Programet e detajuara të provimeve të dhëna dhe lëndëve të ndjekura firmosur dhe vulosur nga Sekretaria Didaktike e Universitetit nga ku transferohet;



UNIVERSITETI KATOLIK ZOJA E KËSHILLIT TË MIRË

3. Vërtetim në origjinal për studimet e kryera që vërteton provimet e shlyera me notat përkatëse dhe kreditet e fituara (ECTS) firmosur dhe vulosur nga Sekretaria Didaktike e Universitetit nga ku transferohet;

Dokumentacioni i përcaktuar në pikën 1, 2 dhe 3 duhet të jetë origjinal apo fotokopje e noterizuar, i pajisur me vulë Apostile. Vula Apostile kërkohet vetëm në rastet kur dokumentacioni vjen nga një Universitet i huaj (jo në Shqipëri). Dokumentacioni i dorëzuar për regjistrimin përfundimtar duhet të jetë identik me versionin elektronik të përdorur në regjistrimin për konkurs.

4. Mandatin e kryerjes së pagesës së kështit të parë apo të kështit të plotë të tarifës vjetore të studimit (urdhërpagesa për t'u paraqitur në bankë, shkarkohet nga portali studenti, zëri Tasse);
5. Diplomën e Maturës Shtetërore (origjinale) dhe fotokopjen e noterizuar të saj;
6. Certifikatë e Maturës Shtetërore në origjinal bashkë me fotokopjen e noterizuar të saj;
7. Vërtetim banimi;
8. Raport mjeko-ligjor që vërteton aftësinë për të ndjekur studimet;
9. Certifikatë familjare;
10. 2 foto.
11. Dokumenti i njehsimit¹ të Diplomës së Maturës lëshuar nga Qendra e Shërbimeve Arsimore e Republikës së Shqipërisë origjinale ose e në kopje të noterizuar (vetëm për kandidatët që kanë kryer Diplomën e Maturës jashtë shtetit dhe për ata që e kanë tashmë dokumentin e Njehsimit lëshuar nga kjo Qendër).

Për ata që nuk janë pajisur me dokumentin e Njehsimit nga kjo Qendër, **qëndron** detyrimi ta paraqesin këtë dokument **brenda përfundimit të semestrit të parë, 31 Janar 2020**, dhe në çdo rast përpara fillimit të sezonit dimëror të provimeve.

12. Dokumenti i Çregjistrimit nga Universiteti nga ku transferohet.

Universiteti Katolik "Zoja e Këshillit të Mirë" ka të drejtën të verifikojë vërtetësinë e të gjithë dokumentacionit të paraqitur nga kandidati me Institucionin e Arsimit të Lartë nga ku kërkon të transferohet, përpara se të regjistrojë studentin në programin përkatës.

Kandidatët të cilët do të kenë mangësi në dorëzimin e dokumentacionit të sipërpërmendur do të regjistrohen me rezervë dhe nuk do të lejohen të futen në provimet e semestrit të parë. Regjistrimi me rezervë nënkupton se mosrespektimi i kushteve brenda afateve të parashikuara nga Udhëzimet e ministrisë mund të sjellë për pasojë mos pajisjen me statusin student, e rrjedhojë humbjen e çdo të drejte ndaj Universitetit Katolik.

Gjithashtu pranë Sekretarisë Mësimore do të plotësohen:

¹ Informacionet se si mund të pajiseni me dokumentin e njehsimit të Diplomës së Maturës gjenden në faqen e internetit: <https://unizkm.al/>



UNIVERSITETI KATOLIK
ZOJA E KËSHILLIT TË MIRË

- Kërkesa e regjistrimit (kërkesa mund të shkarkohet edhe nga portali studenti: portal.unizkm.al);
- Kontrata e regjistrimit;

Këto rregulla janë të detyrueshme për të gjitha rastet e transferimeve të kandidatëve shtetas shqiptar.

Rektori

Prof. Bruno Giardina